

白居易年譜

朱金城著



朱金城著

白居易年譜

上海古籍出版社

白居易年譜

朱金城 著

上海古籍出版社出版

(上海瑞金二路272號)

發行所 上海發行所發行 湖南日報印刷廠印刷

開本 787×1092 1/32 印張 10.75 字數 214,000

1982年6月第1版 1982年6月第1次印刷

印數: 1-15,530

統一書號: 11186·45 定價: (七)1.05元

序例

白居易是我國唐代地位僅次於李白、杜甫的偉大詩人，他的作品，不僅是我國優秀的文學遺產，也是世界文學的藝術珍品。

《白氏長慶集》原七十五卷，現存七十一卷，係白居易生前所自編，除極少數篇章亡佚外，首尾比較完整。它不但具有較高的文學價值，而且保存了豐富的第一手唐代史料。

綜觀白居易的一生，與唐代貞元至會昌間的文學、史事都有牽連。如文學上的古文運動及新樂府運動；政治上王叔文集團與宦官的對立，李紳、元稹與李逢吉的對立，李德裕與牛僧孺、李宗閔的對立，以及宋申錫、漳王之獄，李訓、鄭注甘露之變。這一時期的重要政治和文學人物，幾乎都與白居易有牽涉或有交遊往還。所以白居易生平和作品、交遊的編年考訂是白居易研究中的重要工作，年譜的編撰就是其中一個方面，而完整的白氏詩文集的本身却又爲編撰一部詳細的年譜提供了有利的條件。不但可以由此糾補歷來唐史及有關典籍的闕誤，而且可以進一步考證與他同時的文學家和政治家、思想家的生平，有助於解決學術上所存在的一些

問題。

像白居易這樣一位重要的詩人和文學家，歷來却沒有一部記載較翔實的年譜。現存最早的是宋陳振孫《白文公年譜》，後來較為流行的有清汪立名《白香山年譜》，這兩種年譜都比較簡陋，而且錯誤很多。如《陳譜》誤以居易長慶二年除杭州刺史為嚴休復的後任，《汪譜》承《陳譜》之誤以居易元和十五年冬離忠州任等，尤其是陳、汪兩譜疏於白氏人事交遊的考證，更是一個缺憾。據陳振孫《直齋書錄解題》記載，在他以前，還有李璿和何友諒所寫的兩種《年譜》，現在都已經失傳了，只有計有功《唐詩紀事》裏還保存着一個非常簡略的《年譜》。但可以肯定，這些《年譜》的質量還不如《陳譜》好。直到今天，一些整理《白氏文集》及選注本中所附的《白居易簡譜》，有不少仍承襲陳、汪兩氏疏誤，未加訂正。

我在二十多年前即開始《白氏長慶集》的箋校工作，這部《白居易年譜》就是我多年箋校《白集》所積累的成果。它的編寫，也就是企圖在整理資料方面，為學術界貢獻一份力量，以節省文史研究工作者翻檢和考訂的時間。現將本譜的編寫體例分述於下：

一、本譜體制：每年之下，先列譜文，再列可編年的詩文。詩文之後單獨另列元稹與劉禹錫的簡歷。其次則簡述有關時事及白氏交遊人物的生平。

二、每年之末，均另列「箋證」一項，凡屬白氏生平及作品的考證資料，分納於有關白氏詩文之後。

三、本譜的編寫，曾參考日本花房英樹《白氏文集の批判的研究》、《白居易研究》第一章《白居易年譜》，並考訂糾正其失誤之處。

四、本譜箋證部份所引白氏詩文均加注卷數，主要係據文學古籍刊行社影印宋紹興本《白氏文集》明馬元調刊本卷次相同，除以上刊本外，并參校《四部叢刊》影印日本那波道圓翻宋本《白氏長慶集》、清汪立名一隅草堂刊本《白香山詩集》及《唐文粹》、《文苑英華》、《全唐文》、《全唐詩》等，擇善而從。

五、本譜較多引用的資料，於第一次出現時引全稱，以後則代擬簡稱。如陳振孫《白文公年譜》簡稱《陳譜》，汪立名《白香山年譜》簡稱《汪譜》，馬元調刊本《白氏長慶集》簡稱馬本，汪立名刊本《白香山詩集》簡稱汪本，日本那波道圓翻宋本《白氏長慶集》簡稱那波本，《文苑英華》簡稱《英華》等。

六、對於所引文獻中可肯定的錯字（如「大和」年誤作「太和」之類），本譜均逕加校正，不一一注明。

由於本人水平所限，繆誤之處，仍所不免，殷切地希望得到專家和讀者的指正。
本書承老友戚叔玉同志題簽，謹此致謝。

一九八〇年六月，朱金城于上海。

白居易年譜

唐代宗大曆七年壬子（公元七七二），白居易生，一歲。

白居易正月二十日生於鄭州新鄭縣東郭宅。生六七月，默識「之」、「無」二字。（見與元九書）時父季庚年四十四歲，母陳氏年十八歲。

劉禹錫生。崔羣生。李紳生。韓愈五歲。令狐楚五歲。李建八歲。張籍約七八歲。杜甫前二年卒，年五十九。李白前十年卒，年六十二。

七月，盧龍經略副使朱泚自立爲留後。十月，以朱泚爲盧龍節度使。

【箋證】

白氏醉吟先生墓誌銘（卷七一）：「大曆六年正月二十日生於鄭州新鄭縣東郭宅，以會昌六年月日終於東都履道里私第，春秋七十有五。」按：「醉吟先生墓誌銘」見宋紹興本、馬元調本卷七一、文苑英華卷九四五，那波本未收，岑仲勉《白集醉吟先生墓誌銘存疑》一文疑爲僞撰。又寶刻叢編四洛陽縣下引《復齋碑錄》：「唐醉吟先生白公西北巖石碣，樂天自著墓碣也，白敏中書，會昌六年十一月立。」岑氏存疑。

謂碣樹墓上，且在洛陽，與此誌藏穴中者非同一本。

陳振孫《白文公年譜》（後簡稱《陳譜》）代宗大曆七年壬子：「正月二十日，公始生於鄭州新鄭縣東郭宅，見公自爲《墓誌》。新鄭，公祖鞏縣府君所居也。杭、蘇集本皆作『六年』，歲在辛亥。而公嘗有詩云：『何事同生壬子歲，老於崔相及劉鄩。』謂崔鞏、劉禹錫皆同庚，則非辛亥明矣。集本誤也。」按：陳氏說是，岑氏《存疑》說同，如由大曆六年辛未計至會昌六年丙寅，亦不合「七十五」之數。

羅振玉《貞松老人遺稿·甲集之一》後丁戊稿：「唐書：宰相世系表：白氏，載白樂天一系，稱士通生志善，志善生溫，溫生鎰，鎰生季庚，季庚生幼文，居易，行簡，校以香山《長慶集》所載《白氏之殤》、《醉吟先生》及《灤水令季康府君》、《鞏縣令鎰》四墓誌及《襄州別駕府君事狀》所敘世系均合。惟集中又有《故坊州鄜城尉陳府君夫人白氏墓誌》，稱夫人爲延安令鎰之女，《襄州別駕季庚之姑》，前京兆府戶曹參軍翰林學士白居易、前秘書郎行簡之外祖母，則與諸誌及表不合。陳夫人爲鎰女，季庚爲鎰子，則陳夫人與鎰爲男女兄弟，不得云夫人爲季庚之姑，亦不得爲樂天兄弟之外祖母。然《季庚事狀》稱夫人潁川陳氏，考坊州鄜城令、妣太原白氏，則樂天之母確爲陳氏，且白氏所出。又考樂天父季庚以貞元十年五月終，年六十六。陳夫人以元和六年沒，年五十七。又《陳府君夫人白氏誌》稱夫人以貞元十六年沒，年七十。是季庚生於開元十七年，陳夫人白氏生於開元十九年，樂天母潁川縣君生於天寶十四年，陳夫人白氏少於季庚三歲，乃季庚之妹。潁川縣君

少於季庚二十六歲，則季庚所取乃妹女。樂天稱陳夫人爲季庚之姑乃諱言，而非其實矣。唐人取甥爲婦，可駭聽聞，其出自樂天先人，尤可駭也。」按：陳寅恪《元白詩箋證稿》附論《白樂天之先祖及後嗣》云：「貞松老人（羅振玉）遺稿《後丁戊稿·白氏長慶集書後》一文中，論及樂天之父母以親舅甥爲婚配事。其說雖簡，然甚確。」岑仲勉《隋唐史》（四一五頁）則獨持異議云：「其（羅、陳兩氏）據點在居易所撰外祖母陳白氏墓誌，誌云：『夫人，太原白氏，其出昌黎韓氏。……唐利州都督諱士通之曾孫，尙衣奉御諱志善之玄孫，都官郎中諱溫之孫，延安令諱鐸之弟（陳引訛作「弟」）某女，韓城令諱欽之外孫，……故潁川縣君之母，故大理少卿襄州別駕白諱季庚之姑。』（《叢刊》本《長慶集》二五，潁川縣君即居易之母。）此文非加以校正，則於事理不通，是衆所公認。陳以爲應「曾」、「玄」二字互易，又羅、陳均認「姑」字是居易諱言，殊不知陳校假如不誤，則陳白氏爲季庚姊妹，已和盤托出，居易何必尙效駝鳥埋首沙中，作一字之諱飾，其解釋實異常脫離現實！我廿餘年前手頭校本，則衍去「玄」、「某」兩字，改「之孫」爲「之女」，乙「弟女」爲「女弟」。（李公夫人姚氏誌，相州臨河縣令、贈太子右庶子府君之季女也，祕書監、贈禮部尙書我府君之女弟也。）見拙著唐集質疑七頁。）如是，則陳白氏確爲季庚之姑，季庚與潁川縣君不過中表結婚，絕非舅甥聯婚，如果依羅、陳說，陳白氏是鐸之女，則鐸娶河東薛氏，夫人之父諱愷，河南縣尉（據白集二九《白鐸事狀》），陳白氏誌應云：「其出河東薛氏，……河南縣尉諱愷之外孫。」今乃云「其出昌黎韓氏，……韓城令諱欽之外孫」，此爲陳白氏非

鍾女而爲溫女，亦卽季庚非舅甥聯婚之鐵證，抑文家替外人作碑誌，不審其雁行，故稿內有用「第某女」字樣；若陳白氏爲居易尊屬，排行應自知之，蓋傳本「白集」既倒「女弟」爲「弟女」，妄人又強插「某」字於其間，痕迹尙可覆按也。惟陳既加季庚以刑事罪名，又重誣大詩人之家風浮薄，故不得不詳爲昭雪之。陳振孫《年譜》云：「有陳府君夫人白氏……墓誌，夫人，公之祖姑，且外祖母也。」必其所見本墓誌尙未傳訛。」岑氏之說亦可並存，姑遂錄於此，俟考。

《舊唐書》卷一六六《白居易傳》：「白居易字樂天，太原人。北齊五兵尙書建之仍孫。建生士通，皇朝利州都督。士通生志善，尙衣奉御。志善生溫，檢校都官郎中。溫生鍾，歷酸棗、鞏二縣令。鍾生季庚，建中初爲彭城令。……歷衢州、襄州別駕。自鍾至季庚，世敦儒業，皆以明經出身。季庚生居易。初，建立功於高齊，賜田於韓城，子孫家焉。遂移籍同州。至溫徙於下邳，今爲下邳人焉。」《新唐書》卷一九《白居易傳》：「居易字樂天，其先蓋太原人。北齊五兵尙書建，有功於時，賜田韓城，子孫家焉。又徙下邳。」按：居易自謂乃北齊五兵尙書白建之後裔，蓋出於附會，陳寅恪《唐代政治史述論稿》已詳辨之，茲不贅。太原乃郡望，實際爲下邳人，則無疑也。又按：白氏《故鞏縣令白府君事狀》（卷四六）謂其遠祖出於楚熊居，太子建子白勝，時代久遠，亦不可信。《陳譜》：「新史·宰相世系表」及公所述《鞏縣府君事狀》，其不同者，《表》稱虞公族百里奚媵秦穆姬，生孟明視。視生二子曰西乞術、白乙丙，其後以爲氏。而《事狀》稱楚太子建之子勝，號

白公，其子奔秦，代爲秦將，白乙以降是也。如《表》言，則白出姬姓，如《狀》言，則出半姓。按《左氏傳》：晉敗秦於殽，獲百里孟明視、西乞術、白乙丙。孟明氏百里，謂爲奚之子可也。術、丙與孟明號爲三帥，烏知其爲孟明之子邪？且萬無父子三人並將之理，此其爲說固已疎矣。若《事狀》則又合白乙、白勝爲一族，白乙爲秦樛將，去白勝幾二百年，而云白乙以降，則反以爲白勝之後裔，又何其考之不詳也。《元和姓纂》載《風俗通》：以白乙爲嬴姓，蓋亦以其爲秦人意之爾。《姓纂》復泛舉秦白起、楚白勝、周白圭、漢白生等數人，而皆不能言其自出。大抵世祀繇邈，譜牒散亡，惟當用《春秋》見聞傳聞之義，斷自近始，若必遠推古晉，傳會本支，則固不能亡抵牾矣。《汪立名《白香山年譜》（後簡稱《汪譜》）：「按《唐宰相世系表》，白氏出自姬姓。周太王五世孫虞仲，封於虞，爲晉所滅。虞之公族井伯奚，滕伯姬於秦，受邑於百里，因號百里奚。奚生視，字孟明，古人皆先字後名，故稱爲孟明視。孟明視二子，一曰西乞術，二曰白乙丙。其後以爲氏，裔孫武安君起，賜死杜郵。始皇思其功，封其子仲於太原，故子孫世爲太原人。二十三世孫後魏太原太守邕，邕五世孫建《白氏家狀》則曰『楚殺白公，其子奔秦，代爲名將，乙丙已降是也』。未嘗作虞人及百里奚滕秦語。《表》又以建爲後周弘農郡守，與《家狀》北齊五兵尚書贈司空不合。白敏中大父名鱗，與鯉同爲溫之子，乃以鱗爲鱗，凡此皆誤也。洪景廬《容齋隨筆》謂《新唐書》宰相世系表承用逐家譜牒，多所繆誤。歐陽公略不削筆，恐未可據，信哉。《顧亭林《日知錄》、俞樾《九九消夏錄》所考俱與直齋同。

大曆八年癸丑（七七三），二歲。

五月三日，祖父鍾卒於長安（《陳譜》作新鄭，誤。），年六十八歲。以其年權厝於下邳縣下邑里。（《故鞏縣令白府君事狀》）

柳宗元生。

九月，循州刺史哥舒晃叛，殺嶺南節度使呂崇賁。

【箋證】

白氏《故鞏縣令白府君事狀》（卷四六）：「大曆八年五月三日，遇疾歿於長安，春秋六十八。……夫人河東薛氏。……公有子五人：長子諱季庚，襄州別駕，事具後狀。次諱季般，徐州沛縣令。次諱季軫，許州許昌縣令。次諱季寧，河南府參軍。次諱季平，鄉貢進士。元和六年十月八日，孫居易等始發護靈柩，遷葬於下邳縣北義津鄉北原而合祔焉。」按：唐人撰誌狀，初不避父諱。顧成志《課餘偶筆》：「唐世最重諱名，然爲先人誌狀，初無所避。如：陳子昂，穆員爲其父墓誌，獨孤及爲其父墓表，皆書父名，第曰諱而已。白居易爲祖諱縣府君行狀亦然，末云『長子季庚』，則居易父也，并不云諱。誌父及自撰墓誌敘及並未避名，蓋古人所爲諱，第不敢稱於語言，非并不見諸筆墨。」

大曆九年甲寅（七七四），三歲。

大曆十年乙卯（七七五），四歲。

大曆十一年丙辰（七七六），五歲。

五、六歲便學爲詩。（《與元九書》）弟行簡生。

五月，汴宋軍亂，汴將李靈耀叛。

【箋證】

白氏《聞行簡恩賜章服，喜成長句寄之》詩（卷二四）云：「吾年五十加朝散，爾亦今年賜服章。齒髮恰同知命歲，官銜俱是客曹郎。榮傳錦帳花聯萼，彩動綾袍雁趁行。大抵著緋宜老大，莫嫌秋髮數莖霜。」按：此詩寶曆元年作於蘇州，居易五十四歲，行簡五十歲，據以推算，當生於本年。

大曆十二年丁巳（七七七），六歲。

六月十九日，祖母薛氏歿於新鄭縣私第，年七十歲。（《故鞏縣令白府君事狀》）

八月，顏真卿爲刑部尚書。九月，吐蕃寇坊州。

【箋證】

白氏《故鞏縣令白府君事狀》（卷四六）：「夫人河東薛氏……大曆十二年六月十九日，歿於新鄭縣私第，享年七十，以其年權窆厝於新鄭縣臨清里。」

大曆十三年戊午（七七八），七歲。

是年前後，猶居滎陽。滎陽謂鄭州。《宿滎陽》詩云：「生長在滎陽，少小辭鄉曲。」

楊汝士生。《以詩代書酬慕巢尚書見寄》云：「不知待得心期否，老校於君六七年。」慕巢，楊汝士字。

正月，回紇入侵太原。四月，吐蕃寇靈州。

大曆十四年己未（七七九），八歲。

元稹生。（《河南元公墓誌銘》）

三月，汴宋將李希烈逐其節度使李忠臣，自稱留後。五月，代宗（李豫）卒。德宗（李适）卽位。

【箋證】

白氏《河南元公墓誌銘》（卷七〇）：「大和五年七月二十二日遇暴疾，一日薨於位，春秋五十三。」據以推算，元稹當生於本年。

德宗建中元年庚申（七八〇），九歲。

諸識聲韻。（《與元九書》）父季庚由宋州司戶參軍授徐州彭城縣令。母陳氏封潁川縣君。

（《襄州別駕府君事狀》）牛僧孺生。

正月改元。廢「租庸調」法，改行「兩稅法」。六月，築奉天城。

【箋證】

白氏《襄州別駕府君事狀》（卷四六）：「公諱季庚，字某，鞏縣府君之長子。天寶末明經出身，解褐授蕭山縣尉，歷左武衛兵曹參軍，宋州司戶參軍。建中元年，授彭城縣令。……夫人潁川陳氏，……建中初，以府君彭城之功，封潁川縣君。」

建中二年辛酉（七八一），十歲。

解讀書。《朱陳村》詩云：「十歲解讀書，十五能屬文。」父季庚與徐州刺史李洧堅守徐州拒李納，以功授徐州別駕。（《襄州別駕府君事狀》）

正月，唐發兵討成德軍節度使李惟岳、魏博節度使田悅。六月，討襄陽節度使梁崇義。八月，梁崇義伏誅。平盧留後李納以軍助田悅。九月，討李納。李納將李洧以徐州降。是歲，楊炎罷。貶爲崖州司馬，被殺。

建中三年壬戌（七八二），十一歲。

去滎陽，從父季庚徐州別駕任所，寄家符離。按：《注譜》云：「《宿滎陽》詩：『去時十二，今年五十六。』時兩河用兵，公避難越中，當在是年。」後又有《江樓望歸》詩云：「悠悠滄海畔，十

載避黃巾。」云十載者，謂成數耳。居易貞元七年在符離，則寄家符離當自是年始，次年再避難越中也。

閏正月，王武俊殺李惟岳，代領其衆。四月，盧龍朱滔（朱泚弟）叛唐。六月，王武俊叛唐。十月，李希烈叛唐。十一月，朱滔、田悅、王武俊、李納皆自稱王。十二月，李希烈自稱天下都元帥。唐發諸道軍往討。

建中四年癸亥（七八三），十二歲。

時兩河用兵，逃難於越中，約始於本年。正月，李希烈陷汝州，東都震恐。

六月，初行稅間架，除陌錢。十月，涇原軍五千增援襄城，經長安兵變。德宗逃往奉天。朱泚據長安稱帝，圍奉天。十二月，李希烈陷汴州。是年武元衡進士及第。

興元元年甲子（七八四），十三歲。

幼弟白幼美（金剛奴）生。（《唐太原白氏之塋墓誌銘》）

楊虞卿生。楊嗣復生。

正月，改元。李希烈、田悅、王武俊、李納皆去王號，復受唐職。二月，行營副元帥李懷光叛唐。德宗逃往梁州。六月，李晟收復長安，朱泚敗走，被殺。七月，德宗還長安。是年秋，關